

**Қазақстан Республикасының Премьер-Министрі, Премьер-Министрінің орынбасарлары және Премьер-Министрі Кеңсесінің Басшысы арасында міндеттерді бөлу туралы**

*Күшін жойған*

Қазақстан Республикасы Премьер-Министрінің 2012 жылғы 27 қыркүйектегі № 185-ө Өкімі. Күші жойылды - Қазақстан Республикасы Премьер-Министрінің 2013 жылғы 1 ақпандағы № 16-ө Өкімімен

**Ескерту. Күші жойылды - ҚР Премьер-Министрінің 01.02.2013 № 16-ө Өкімімен.**

1. Қоса беріліп отырған Қазақстан Республикасының Премьер-Министрі, Премьер-Министрінің орынбасарлары және Премьер-Министрі Кеңсесінің Басшысы арасында міндеттерді бөлу бекітілсін.

2. Министрлер мен агенттіктердің төрағалары өздері басқаратын мемлекеттік органдардың Қазақстан Республикасының нәтижеге бағдарланған мемлекеттік жоспарлау жүйесіне сәйкес стратегиялық басымдықтар мен құжаттарды іске асыру жөніндегі қызметі үшін дербес жауапты болады деп белгіленсін.

3. Мыналардың күші жойылды деп танылсын:

1) «Қазақстан Республикасының Премьер-Министрі, Премьер-Министрінің орынбасарлары және Премьер-Министрі Кеңсесінің Басшысы арасында міндеттерді бөлу туралы» Қазақстан Республикасы Премьер-Министрінің 2012 жылғы 24 қаңтардағы № 11-ө өкімі;

2) «Қазақстан Республикасының Премьер-Министрі, Премьер-Министрінің орынбасарлары және Премьер-Министрі Кеңсесінің Басшысы арасында міндеттерді бөлу туралы» Қазақстан Республикасы Премьер-Министрінің 2012 жылғы 24 қаңтардағы № 11-ө өкіміне өзгеріс енгізу туралы» Қазақстан Республикасы Премьер-Министрінің 2012 жылғы 29 наурыздағы № 60-ө өкімі.

*Премьер-Министр*

*С. Ахметов*

Қ а з а қ с т а н

Р е с п у б л и к а с ы

П р е м ь е р - М и н и с т р і н і ң

2 0 1 2

ж ы л ғ ы

2 7

қ ы р к ү й е к т е г і

№

1 8 5 - ө

ө к і м і м е н

б е к і т і л г е н

**Қазақстан Республикасының Премьер-Министрі, Премьер-Министрінің орынбасарлары және Премьер-Министрі Кеңесінің Басшысы арасында міндеттерді бөлу**

**Қазақстан Республикасының Премьер-Министрі  
С.Н.Ахметов**

Үкіметтің қызметіне басшылық жасау.  
Экономикалық, қаржы, фискалдық және кеден саясатының, мемлекеттік бюджеттің стратегиялық мәселелері.  
Мемлекетаралық қатынастар мен халықаралық ынтымақтастық мәселелері.  
Шетелдік инвестициялар тарту және инвестициялық ахуалды жақсарту мәселелері.

Ақпарат, ақпараттандыру және байланыс мәселелері.  
Қорғаныс және құқықтық тәртіп мәселелері.  
Мұнай-газ секторын дамыту мәселелері.  
Заң шығару қызметін үйлестіру.  
Үкіметтің кадр мәселелері.

Республикалық бюджет комиссиясының, Экономикалық саясат жөніндегі кеңестің, Экономиканы жаңғырту мәселелері жөніндегі мемлекеттік комиссияның және Қазақстан Республикасының Премьер-Министрі басшылық ететін басқа да консультативтік-кеңесші органдардың жұмысына басшылық ету.

Мемлекеттік тілді дамыту мәселелері.

Қазақстан Республикасының Президентімен, сондай-ақ Парламентпен, Конституциялық Кеңеспен, Жоғарғы Сотпен, Бас прокуратурамен және басқа да конституциялық органдармен қатынастарда Үкіметтің атынан өкілдік ету.

«Самұрық-Қазына» ұлттық әл-ауқат қоры» акционерлік қоғамының қызметін үйлестіру.

**Қазақстан Республикасы Премьер-Министрінің орынбасары  
Қ.Е.Көшербаев**

Өңірлік саясаттың жедел мәселелері.  
Экономиканы жедел басқару және өңірлік саясат мәселелері.  
Агроөнеркәсіптік кешен, жер және су қатынастары, қоршаған ортаны қорғау, табиғи ресурстарды пайдалану мәселелері.  
Құрылысты дамыту және тұрғын үй-коммуналдық шаруашылықты жаңғырту мәселелері.

Көлік инфрақұрылымын және логистиканы дамыту мәселелері.  
Төтенше жағдайлар және жұмылдыру жұмысы мәселелері.  
Қорғаныс-өнеркәсіп кешенін дамыту мәселелері.  
Жылыту маусымдарына дайындық және оны өткізу мәселелері.  
«Өңірлерді дамыту» бағдарламасын, Тұрғын үй-коммуналдық шаруашылықты жаңғыртудың 2020 жылға дейінгі бағдарламасын, Қазақстан Республикасындағы тұрғын үй құрылысының 2011 – 2014 жылдарға арналған бағдарламасын, «Қолжетімді тұрғын үй – 2020» бағдарламасын, Қазақстан Республикасында агроөнеркәсіптік кешенді дамыту жөніндегі 2010 – 2014 жылдарға арналған бағдарламаны, «Ақбұлақ» бағдарламасын және Көлік инфрақұрылымын дамыту бағдарламасын іске асыруды үйлестіру мәселелері.  
«ҚазАгро» ұлттық басқарушы холдингі» акционерлік қоғамының қызметін үйлестіру.

Қазақстан Республикасы Премьер-Министрінің орынбасары Ә.Ө. Исекешев болмаған кезде оны алмастырады.

## **Қазақстан Республикасы Премьер-Министрінің орынбасары Е.Т.Орынбаев**

Білім беруді, ғылымды, денсаулық сақтауды, әлеуметтік жаңғыртуды, әлеуметтік саясатты және әлеуметтік әріптестікті, мәдениетті, спортты дамыту, «Назарбаев Университеті», «Назарбаев Зияткерлік мектептері», «Кәсіпқор» жобаларын іске асыру мәселелері.

Жұмыспен қамту, демографиялық және көші-қон саясаты, статистиканы дамыту мәселелері.

Шағын және орта кәсіпкерлікті дамыту, шетелдік кәсіпорындарды қоса алғанда, бизнес-қоғамдастықтың мемлекеттік органдармен өзара байланысын үйлестіру мәселелері.

Мемлекеттік органдардың әкімшілік реформасын іске асыру, салық және кедендік әкімшілендіруді қоса алғанда, кәсіпкерлер үшін әкімшілік кедергілерді азайту мәселелері.

Дүниежүзілік Банктің, Еуропа комиссиясының, Экономикалық ынтымақтастық пен даму ұйымының (ЭЫДҰ) және Америка сауда палатасының Қазақстандағы жобаларын үйлестіру және іске асыру мәселелері.

«Бизнестің жол картасы – 2020» бағдарламасын, «Жұмыспен қамту – 2020» бағдарламасын іске асыруды үйлестіру мәселелері.

Қазақстан Республикасы Премьер-Министрінің орынбасары Қ.Н.Келімбетов болмаған кезде оны алмастырады.

**Қазақстан Республикасы Премьер-Министрінің орынбасары  
Қ.Н.Келімбетов**

Макроэкономикалық саясат мәселелері.  
Бюджет саясатының мәселелері.  
Мемлекеттік активтерді басқару мәселелері.  
Қаржы секторының мәселелері.  
Салық және кеден саясатының мәселелері.  
Концессия мәселелерін қоса алғанда, мемлекеттік-жеке меншік әріптестікті  
дамыту мәселелері.  
Табиғи монополияларды реттеу және бәсекелестікті дамыту мәселелері.  
Сауда және тариф саясаты мәселелері.  
Мемлекеттік жоспарлау жүйесінің мәселелері.  
Ғарыш қызметінің мәселелері.  
Қазақстанның Дүниежүзілік сауда ұйымына кіруі және Еуразиялық  
экономикалық қоғамдастық (ЕурАзЭҚ), Кеден одағы, Бірыңғай экономикалық  
кеңістік шеңберінде ынтымақтастық мәселелері.  
Қазақстан Республикасы Премьер-Министрінің орынбасары  
Е.Т.Орынбаев болмаған кезде оны алмастырады.

**Қазақстан Республикасы Премьер-Министрінің орынбасары –  
Индустрия және жаңа технологиялар министрі Ә.Ө.Исекешев**

Қазақстан Республикасын үдемелі индустриялық-инновациялық дамыту  
жөніндегі 2010 – 2014 жылдарға арналған мемлекеттік бағдарламаны іске асыру  
мәселелері .

Ұйымдар мен мемлекеттік органдардың тауарларды, жұмыстар мен  
қызметтерді сатып алуы кезінде қазақстандық қамту үлесін ұлғайту жөніндегі  
мемлекеттік саясатты іске асыру мәселелері.

Өнеркәсіпті, инновацияларды дамыту, техникалық реттеу, шетелдік  
инвестицияларды тарту, электр энергетикасы, геология және жер қойнауын  
пайдалану, мұнай химиясы, ақпараттық технологиялар, туризм мәселелері.

Алтын өндіру (барлау, өндіру, қайта өңдеу, сату және әкелу-әкету) мәселелері

Логистиканы дамыту мәселелері.

ЭЫДҰ-ның «Қазақстандық ресурстарды тікелей шетелдік инвестициялар  
және секторалдық инвестицияларды дамыту жөніндегі бағдарламаларды

жетілдіру үшін әртараптандыру» жобасын үйлестіру және іске асыру мәселелері.

Қазақстан Республикасы Премьер-Министрінің орынбасары Қ.Е. Көшербаев болмаған кезде оны алмастырады.

## **Қазақстан Республикасының Премьер-Министрі Кеңесінің Басшысы Е.Ж.Қошанов**

Премьер-Министрді және Үкіметтің басшылығын ақпараттық-талдау, құқықтық, ұйымдастырушылық, хаттамалық, құжаттамалық, материалдық-техникалық және өзге де қамтамасыз ету мәселелері.

Орталық және жергілікті атқарушы органдардың, ведомстволардың Үкіметтің шешімдерін дайындау және олардың орындалуын ұйымдастыру бөлігіндегі, мемлекеттік және орындаушылық тәртіпті сақтау, мемлекеттік құпияларды қорғау және ақпараттық қауіпсіздікті қамтамасыз ету мәселелері жөніндегі қызметін үйлестіру.

Мемлекет басшысының актілері мен Үкіметке берген тапсырмаларының, Үкімет актілерінің, Премьер-Министр мен оның орынбасарлары тапсырмаларының, Үкімет мәжілістерінің хаттамалық шешімдерінің орындалуын бақылау.

Мемлекеттік органдарды ақпараттық-телекоммуникациялық қамтамасыз етудің бірыңғай жүйесін, оның ішінде ақпараттық деректер қорын құру жөніндегі қызметті үйлестіру.

Үкіметтің кадр саясатын іске асыру жөніндегі жұмысты ұйымдастыру.

Премьер-Министр Кеңесінің Президент Әкімшілігімен, Парламент палаталары аппараттарымен және облыс әкімдіктерімен өзара іс-қимылын қамтамасыз ету.

«Самұрық-Қазына» ұлттық әл-ауқат қоры» акционерлік қоғамы Директорлар кеңесінің және «Назарбаев Университеті» дербес білім беру ұйымы Қамқоршылық кеңесінің қызметін қамтамасыз ету.